

Diploma Kejuruteraan Mekanikal/Awam – Berapa Gaji Anda Dapat?

Agak agak berapa gaji yang anda akan dapat umumnya untuk kelulusan diploma, bila sudah masa bekerja nanti? Tidak kisah lah, sama ada anda kelulusan diploma awam, atau pun Mekanikal seperti saya sendiri. Mahupun diploma kejuruteraan elektrik dan umpamanya.

Adakah RM 1 500? Sebab ramai yang mengatakannya.

Tidak mungkin RM 1000 sebab gaji minima dengan hanya kelulusan SPM sahaja sudah diwartakan RM 1000.

Siapa Yang Tulis Artikel Ini.

Sebelum kita pergi ke lebih lanjut, biar saya perkenalkan siapa saya dahulu. Nama saya Syed Shaff. Saya punyai lebih [7 tahun pengalaman bekerja](#). Saya bekerja dalam bidang swasta. Bukan kakitangan penjawat awam. Kelulusan saya sendiri ialah dalam bidang Diploma Mekanikal Engineering daripada [Universiti Malaysia Pahang](#). Graduate pada tahun 2009. Untuk umur 29 tahun sekarang ini, sudah 4 kilang saya tukar kerja.

Kenapa tukar, bergantung kepada pelbagai faktor lah. Dan sebab utama, sudah pasti disebabkan gaji, iaitu tajuk yang kita cuba rungkai dalam artikel ini.

Anda bertuah, sebab masa saya belajar dahulu, 2006 – 2009 saya langsung tiada idea atau pun pengetahuan tentang ini. Namun, atas rezeki kesempatan yang Allah bagi, alhamdulillah saya sempat sampaikan mana yang anda perlu tahu supaya persediaan awal itu, insyaAllah.

Baiklah, sekarang anda pun tahu yang saya kelulusan Diploma

Mekanikal Engineering. Dan 'directly' gaji saya ialah:

Kerja Pertama Sebagai Draftsman

Kerja ini lebih kepada melukis menggunakan Autocad dan juga Solidwork.

Antara satu task saya ialah,

Anda perasan tidak akan lampu jalan raya yang kadang kadang akan ada bengkok separuh bulat di bahagian puncaknya. Kebanyakan di bandar besar seperti Putrajaya ada design tiang lampu seperti ini.

Percaya tidak, bengkok bulat tiang tersebut adalah dari satu mesin yang saiznya seperti satu kereta MyVi. Dan antara satu tugas saya, ialah copycat mesin ini bulat bulat, dan improvekan design dan kecekapannya supaya ia jadi lebih baik. Sebab teknologi, atau semasa mesin ini dicipta ialah lebih kurang 20 tahun yang dahulu. Tapi saya tak sempat habiskan task ini, sebab diberhentikan selepas hanya 5 bulan bekerja. Dan gaji saya ialah RM 1 200

Seterusnya, saya kerja sebagai operator di sebuah kilang screw.

Tugas seperti yang operator biasa lah, seperti contoh:

1. Bawah forklift
2. Bungkus produk.
3. Turunkan barang dari Lorri dan naikkan barang semua.
4. Welding dan sebagainya.

Untuk tempoh ini, saya dalam keadaan terpaksa untuk MESTI juga dapatkan kerja. Kiranya, sekurang kurang saya masih lagi dapat duit walaupun ia bukan setaraf pengajian saya. Dan gaji saya ketika ini lebih kurang dalam RM 700 hingga RM 800. Sangat sedikit, memang tak cukup. Saya bagi bulanan ibu saya, lebih kurang dalam RM 50 sahaja.

Pertama Kali Jadi Technician

Seterusnya, saya masih lagi kerja untuk produk yang sama, tapi lokasi kilang lain. Tapi masih lagi 'bos' yang sama.

Gaji saya RM 1 200.

Masa ni tugas saya sebagai technician. Bermakna, saya sudah mula bekerja untuk level pengajian saya.

Antara machine yang terlibat ialah stamping machine. Thread machine, welding, grinding dan aktiviti yang lain itu sudah pasti lah.

Pertama Kali Gaji Mencecah RM 2000

Selepas tidak sampai setahun, saya kerja sebagai Process Technician di sebuah kilang semiconductor di Ipoh. Kalau tidak silap, jumlah pekerja keseluruhannya lebih kurang dalam 2 500 orang. Ada lagi satu cawangan yang juga di Ipoh, jumlah pekerja untuk kilang yang satu lagi ialah lebih kurang dalam 1000.

Masa bekerja di sini, pertama kali saya dapat gaji yang betul betul pada tahap yang baru boleh menyimpan. Iaitu lebih kurang RM 2 500. Gaji pokok saya ialah RM 1 500. Bermaksud, RM 2 500 yang saya dapat itu adalah tambahan kepada kerja lebih masa yang saya buat.

Saya juga untuk usaha buat kerja lebih masa, mana tahu kalau boleh cecah RM 3 000. Tapi agak susah.

Paling tinggi pun, lebih kurang RM 2 700 sahaja.

Dan selepas 1 tahun 6 bulan, saya ambil keputusan untuk berpindah ke kilang yang lain.

Pertama kali cecah gaji RM 5 200

Untuk kilang yang ini, gaji pokok saya naik lebih kurang dalam RM 150 sahaja. Dalam RM 1650. Tapi bila saya buat kerja lebih masa, RM 3 500 sebulan itu adalah biasa.

Dan saya pernah sampai RM 5 200, sebab banyak kerja pada public holiday (2 atau 3 kali ganda dari gaji hari biasa)

Selepas 2 tahun, saya terpaksa berpindah ke kilang lain, kerana kilang yang sekarang ini ditutup atas sebab tertentu.

Pertama Kali Gaji Bulanan 4k itu biasa.

Di kilang yang seterusnya sekarang ini. Alhamdulillah, berkat rezeki kahwin agaknya. Selepas 7 tahun bekerja saya rasa sudah capai lebih daripada apa yang saya target.

Masa mula mula bekerja dahulu, saya ada bayangkan untuk dapat gaji pokok sekurang kurang nya RM 2 000 sebelum atau setidaknya tidaknya bila saya sudah berumur 30 tahun. Sekarang 29, tapi gaji pokok sudah mencecah RM 2 000 dan plus plus sedikit.

Dan ya, sudah hampir 1 tahun kerja di sini, boleh kata kerap juga gaji saya mencecah RM 4000 dalam sebulan, hasil daripada kerja lebih masa lah. Ini sahaja, kalau nak duit lebih kalau kerja dengan Kilang.

Kilang ini ada 2 cawangan, cawangan yang saya kerja ialah lebih kurang 2 500 orang, manakala cawangan yang lagi satu lebih kurang 7 ribu orang.

Dan sekarang kita akan pergi kepada bahagian yang paling penting. Iaitu kesimpulan artikel ini.

Kesimpulan...

Untuk menjawab persoalan di atas, berapa gaji yang kita akan dapat dengan kelulusan Diploma bergantung kepada pelbagai

faktor. Dan antara faktor tersebut saya rumuskan di bawah:

1. Gaji pokok untuk Diploma bukan RM 1500 seperti yang saya dapat di atas. Tapi sebaliknya, untuk kilang ini ialah RM 1250 sahaja. Jangan sedih, orang SPM gaji minima RM 1000. Sedangkan kita yang ada diploma naik RM 250 sahaja. Bukan nak mengatakan tak layak untuk mereka yang belajar sampai SPM untuk dapat RM 1000. Jangan marahkan rezeki orang lain ya. Tapi nampak sangat tidak adilnya kalau dibezakan RM 250 sahaja. Tapi, ini sebenarnya masuk akal juga, teruskan pergi ke faktor seterusnya di bawah, anda akan lebih faham maksud saya.
2. Setiap gaji pekerja juga ditentukan oleh produk yang setiap kilang yang anda bekerja itu buat. Seperti contoh, kilang pertama saya, jual screw sahaja. Jadi basic RM 1 200. Dan selepas kerja dengan kilang yang lebih berskala besar, kilang tiada masalah pun untuk bagi saya RM 4k sebulan.
3. Ini pengalaman kilang swasta. Untuk penjawat awam, mungkin basic diploma terus cecah RM 1500 + lagi dengan elaun, total lebih kurang dalam RM 1850. Kenaikan setiap tahun juga tetap lebih kurang RM 150. Berbanding dengan swasta kadang kadang RM 60 setahun pun ada.
4. Jumlah kadar lebih masa, atau pun ada kerja lebih masa atau tidak juga bergantung kepada produk yang dikeluarkan. Untuk kerja kilang yang kukuh kebanyakan memang tiada masalah untuk anda dapat duit lebih. Kadang kadang kalau kerja kakitangan awam, sekalipun gaji pokok anda besar. Tapi tiada gaji untuk kerja lebih masa. Paling kuat pun boleh claim mileage sahaja. Tapi yang kerja swasta, sampai bila pula nak kerja lebih masa.
5. Gaji pengalaman saya kerja berbeza kalau anda kerja dalam bidang oil dan gas contohnya. Atau pun dalam bidang kejuruteraan awam bahagian projek pembinaan jalan dan bangunan. Kenalan saya sendiri, kerja dengan Shell, gaji pokoknya RM 4 900. Rezeki dia. Mana yang kerja kapal, adik saya sendiri. RM 10 000 sebulan lebih

kurang. Tapi tak semua kerja kapal gaji tinggi. Ada bidang dan bahagiannya, rakan saya juga kerja perkapalan hanya berapa sahaja dapat.

Dan pelbagai lagi keadaan yang boleh kita jadikan kesimpulan. Sampai sini sahaja perkongsian saya. Terima kasih kepada THEVOCKET, terumanya Cik Dayana yang beri peluang untuk saya coretkan pengalaman yang tak seberapa saya ini. Sekian dulu, saya Syed Shaff, dari [Saya Share.com](http://SayaShare.com).

5 Group Gaji Yang Saya Tahu (1000/month to 32 600/month)

Salam. Saya dekat Pizza Hut ni.

Guna internet TM Wifi.

Sambil sambil memilokan diri.

Meh saya nak cerita sikit group gaji yang saya tahu.

Maksud saya group gaji ni, seperti macam ada yang gaji 1000 ada yang gaji 10k je, ada yang gaji 20k. so dekat sini apa yang anda boleh faham ialah, lepas ni cuba cuba la dapatkan kerja ikut pada sektor yang saya duk kongsi bawah ni.

Sebab, jangan anda harap nak gaji banyak kalau produk kilang yang anda kerja tu tak mampu nak bagi.

Yang Pertama Gaji Pokok RM 1000

Ini seperti biasa lah, operator kilang. OT pun kadang kadang

tak ada.

Biasanya anda akan dapat kerja dengan tengok pada iklan di pintu pagar kilang sahaja.

Kiranya, katakan anda minta kerja hari ni, hari ni lah dapat. Entah entah dia dah suruh buat kerja time tu juga.

Saiz kilang pun kecil dan sederhana.

So gaji anda meme RM 1000 sahaja. Kadang kadang, ada yang tak cecah pun gaji minima RM 1000 ni.

RM 1000 – RM 1600 – RM 2000

Ini range gaji untuk pekerja kilang (khasnya). Gaji saya lah ni. (basic)

Yang biasa anda tengok kilang kilang semikon umpamanya.

Basic untuk operator memang RM 1000, yang sekarang ni.

Dulu operator masa masih lagi gaji RM 800, kalau tak silap gaji diorang pun dah boleh cecah RM 1600, kalau sekali OT.

Kerja shift ni kalau tak OT, meme rugi lah.

So lepas kerajaan buat gaji minimum RM 1000, rasanya tak ada masalah kot untuk sampai gaji RM 1800. Kalau rajin OT.

Gaji minium ni, kadang kadang macam bantu operator sahaja saya rasa. Kami yang diploma ni dah ibarat macam sama sahaja, sebab kilang yang saya kerja masa gaji minima RM 1000 di mulakan, untuk diploma starting Rm 1250 sahaja. Area Ipoh ni ya, kalau Penang insyaAllah akan lebih sedikit.

Jarang lah company nak bagi RM 1500 untuk di ipoh. Tapi kalau di Penang, Kulim, dilploma fresh graduate dalam RM 1500 – RM 1800.

So kalau anda OT hanya perlu tambah separuh daripada basic

sahaja. Sebab biasanya pengiraan untuk agak agak lebih kurang macam ni.

Seperti contoh

Basic + (Basic/2) = Jawapan?

Contoh...

1500 + (750) = 2 250

Kalau basic

1800 + (900) = 2 700

Kenapa tambah separuh daripada gaji untuk estimate OT? Sebab susah nak dapat gaji yang lebih dari itu. Tapi still depends pada company, kadang kadang awal muharam pun diorang bagi sebagai public holiday. Kalau jenis company yang macam ni. Boleh la dapat lebih sikit.

Kerja shift terumanya semicon, bila dah lama lama memang kencang lah.

Member saya, technician, basic 3 800.

Masa ni, public holiday sahaja dah RM 600.

Katakan dia OT..

Masa tu kalau tak silap, elaun boleh dapat paling kurang dalam 400

Basic + elaun = 4 200

Sekrang kita kira ot pula.

Katakan dia OT 2 kali bila cuti 4 hari, 1 kali kalau cuti 3 hari.

Ini untuk shift 4 3 3 4 ya.

Minggu 1 2 kali ot

Minggu 2 1 kali ot

Minggu 3 2 kali ot

Minggu 4 1 kali ot

Total OT? = 6x

Sekarang berapa pula rate untuk 1 hari ot

Basic bahagi 14 (hari bekerja dalam 1 bulan) bahagi 12 jam kerja darab pula dengan 1.5 darab pula dengan 12 jam ot = ?

$3\ 800 / 14 / 12 \times 1.5 = 33.9$ hengget (ini adalah gaji untuk satu jam)

Katakan hari tu dia OT maksimum 12 jam? $33.9 \text{ darab } 22 = 745.8$

$745.8 \times 6x \text{ ot?} = 4\ 478$ + pula dengan basic + elaun tadi

Total = lebih 8k juga walaupun dah tolak 11 percent kwsp.

Ini normal kalau mereka yang kerja lama dalam semikon. Saya sendiri kalau gaji 2500 akan kena cukai dalam 49 ringgit.

Tapi hari tu sengaja saya tanya berapa diorang kena cukai, lebih 1 ratus lebih.

Bermaksud, macam sudah lebih 5k ke atas.

Tapi still depends pada company, biasa nya orang orang macam ni, company akan sekat OT..huhu

Sebab basic sudah besar.

Seterusnya

RM 2 000 – RM 10 000

Untuk range basic gaji macam ni, anda tak boleh kerja kilang.

Engineer dah lama kerja pun kalau tak silap saya gaji dia RM 6 000.

Engineer atas saya dulu pun, gaji dia RM 3 800 basic selepas kerja 6 tahun kot.

Untuk kita yang diploma ni, lagi lah tak merasa kan.

Tapi kalau anda join sektor industry bawah ni, insyaAllah boleh capai.

Yang saya maksudkan ialah, yang buat jalan dan oil n gas.

Buat jalan maksud saya yang macam MRR2 kat KL tu.

Yang ada guna machine TBM atau Tunnel Boring Machine.



Rasanya tak ada masalah kot untuk dapat gaji RM 5k ke atas kalau OT semua.

Adik saya sendiri.

Kerja bahagian Oil n Gas.

Basic 2 000 + elaun atas kapal (100 sehari) + elaun kerja (RM 500)

So kat sini , dia dah dapat gaji bersih RM 2500 kan.

Kira kira elaun pula 100 sehari – katakan 30 hari atas kapal?
Sudah 3k

$2k + 500 + 3k = 5\,500?$

Salah juga tu.

Tak silap saya RM 100 sehari tu pun tempoh awalnya dia kerja. Kiranya lama lama mesti naik kan.

Basic pun kalau tak silap 2 500 dah. Sebab abang saya sendiri

yang bos nya.

Saya target at least 8k sebulan ada.

Tapi, jangan salah faham juga. Bukan semua oil n gas gaji tinggi. Ada kawan saya join semikon dari oil n gas juga. Sebab? Gaji rendah..so tengok juga lah peranan anda tu apa.

**note, adik saya dah berhenti. Kerja kerajaan dia dah sekarang.

RM 10 000 – RM 32 600

Kenapa saya tak letak 30 000?

Sebab orang yang saya nak cakap ni gaji dia banyak tu ler. Itu pun dia bagi tahu 3 4 tahun lepas.

Manager oil n gas.

Alright.

Pendek cerita, kalau anda makan gaji. Itu lah yang akan jadi.

Kerja buat ke tak buat ker, tetap dapat gaji sama.

Kerja duk bodek orang ke, kerja tidor dalam bilek gelap ke, itu juga anda dapat.

Tapi kalau nak gaji range dari 0 – RM 30 000?

Ini kena berniaga sendiri macam cheq.

Sebenarnya 30 000 itu unlimited.

Lagi kuat usaha, lagi terbaik lah untungnya.

Contoh terbaik yang saya boleh dapatkan, adalah satu product yang dihasilkan oleh Khairi, [Like Method](#) namanya

Panduan Perniagaan dari Facebook.

Banyak student studentnya berniaga untung yang lebih daripada 10 000.

Kalau anda nak buat macam ni, kena stop makan gaji, tapi makan...makan apa ya? Entah lah. 

Tapi lagi banyak anda usaha, lagi terbaik.

Ambil contoh Datuk Veda, rumah sahaja 20 juta.

Kereta sahaja 20 biji.

Macam mana kita nak dapat macam tu? Semuanya sebab berniaga sendiri.

Saya sendiri pun tak mampu semua tu, sembang je ni.

Apa apa pun, bergantung pada matlamat anda sendiri.

Kalau saya, rasanya tak perlu lah untung yang berjuta juta.

Asalkan cukup 10k sebulan pun saya dah cukup happy.

Yang panduan perniagaan Khairi tu, bukan beliau sahaja yang buat.

Sememang nya masih ramai lagi yang pandai pandai berniaga FB ni.

Contoh bos yang lain lain, macam SifuFBAds dan juga NajibAssadok, dan ramai lagi lah.

Tips Merantau Cari Kerja Kosong? Pro and Contra

Adakah Keputusan Untuk Merantau Adalah Terbaik Untuk Saya?

Whaaaa.. Saya buat keputusan yang agak lama juga untuk mula merantau.

Saya kerja shift 12 jam.

Ini je nak dapat gaji ribu ribu kalau diploma ni bagi saya.

Kebanyakan kilang di Ipoh, shift pattern 4 2 4 2.

So memang agak letih untuk saya peruntukan masa untuk blogging juga.

saya ambil keputusan yang agak lama sebab?

Satu...

Saya takut... saya tak biasa...

Kedua

Sebab tak ada modal.

Tapi akhirnya saya merantau juga.

Dari Ipoh, ke Kedah.

Tapi tak ada lah mengejut macam tu terus pergi ke Kedah.

Sebab saya ada menyewa di rumah lain dengan kawan kawan juga dahulu dalam 1 tahun juga kot.

Lepas tu, baru la rasa ada kekuatan untuk berani kan diri

merantau.

Apakah sebab utama saya merantau?

Saya pasti ini adalah utama atau tidak. So saya listkan juga kebarangkalian yang lain juga.

1. Kilang di ipoh, yang satu satunya punyai shift pattern yang menarik untuk bagi saya banyak masa untuk menaip macam sekarang ini sudah shut down bulan 9 september 2016 ni. So, nak tak nak saya terpaksa cari kerja sini, atau area Penang.
2. Kedua, kerja di area Kulim dan Penang, adalah lubuk bagi yang kerja kilang ni. Sebab kebanyakan sini kilang besar besar. Banding dengan Ipoh, kilang besar sikit. So gaji pun tak berapa nak boleh di demandkan sangat. Banding dengan Kulim, dan Penang ia jauh lebih baik. Saya percaya, kalau di Daerah Gebeng, Pahang, Shah Alam, KL, JB pun akan lebih baik juga. Tapi malas lah saya nak ke sana pula. Tak nak jem jem ni. Ni dah dapat Kulim pun dah rasa cukup syukur dah, banding dengan Penang, yang confirm akan jem.
3. Problem ler kalau duduk dengan family. Topik sensitif ni.
4. Sudah tiba masa untuk saya belajar berdikari, nanti dah nak kahwin (update 2017, dah kawen pun)
5. Suka nak belajar cara orang lain di negeri lain, tapi lebih kurang sama je..adoi..
6. Dan macam macam lagi lah.

Untuk perkara no 3 tu.

Masalah dengan family kan?

Bukan lah masalah sampai kecoh gaduh..

Tapi entah lah, bila duduk ngan family rasa macam tak emosi rasa tak menentu je.

Rasa juga mulut berbisa asik sampai ke kat telinga ni.

Huhu, tak baik juga kata macam ni.

Saya pun, ambil keputusan untuk merantau.

Supaya saya tak terus buat dosa macam tu.

Jadi lebih baik saya keluar dari rumah dan cari kerja lain jauh sikit.

Dan Bila Saya Balik?

Wa...seronok juga bila dah lama tak balik.

Best..

Sebab macam ada suasana balik Kampung bila raya.

Kalau tak, time raya ibarat macam perjalanan 30 minit je.

Tapi sekarang, balik raya berejam rejam.

Family pun ada gaya macam rindu sikit bila saya balik. Hehe

Pernah satu malam, bila saya balik, semua diorang bangun.

Saya pulak pelek,

Kenapa kome semua bangun ni...

Hehe

Kalau tak dulu, saya balik je kampung, semua buat tak tau jer.

Pernah juga tanya..

Aik, mak tak perasan ke sapa yang balik ni..huhu..

Tak pe lah..

Sekarang dah lain kan...Alhamdullillah.

Mana Lebih Jimat?

Mesti lah duduk dengan family.

Tak perlu fikir bil api, bil air, paling merana bil untuk makan makan ni.

Dengan family saya dulu, senang, pergi bawa mak ke pasar, bagi dalam 50 ok lah tu, untuk makan satu minggu.

Duk membujang, sehari dalam 20 ringgit juga.

Makan Pagi..

Saya biasa ambil nasi + ayam + ikan tongkol + kuah apa entah = RM 3 50

Air Milo = RM 2.00 kalau tak silap

Total makan pagi = RM 6 lah senang cerita

Tengah Hari

Dalam RM 7.00

Malam?

Dalam RM 7.00 lagi.

6 + 14 = RM 20 hengget juga lah sehari.

Tak termasuk ulang alik te ais mamak lagi.

So total sehari dalam RM 25 hengget.

Bila saya shif kerja malam kan, kilang ni akan bagi kupon dalam 5 ringgit.

So boleh la cover untuk dinner punya makan.

Dan lagi satu...

KEBEBASAN..

Dulu, kalau bangun pagi, memang mak bising sebab tak sembahyang.

Tapi sekarang..senyap je suasana pagi.

Aduhai, berdosanya.

Kesian pula dekat mak yang usaha untuk kita.

Saya sendiri jenis tak berapa suka tidur pagi sebenarnya. So habit ini sangat sangat membantu lah.

Cuma asar tu,

Ya Allah kuatkan lah Aku..

So Kesimpulan Pro dan Kontra nya?

Anda decide sendiri!!!!!!

Kalau saya ada pilihan satu dan dua, saya memang teringin nak duduk dengan family sahaja.

Kesian mak, duk jauh. Nak pergi pasar harapkan adik. dia keja.

Nak g pasar borong susah

Mak saya udah lebih 60 tahun tau, tapi masih lagi berniaga kuih.

Setiap kali mak berniaga, saya terasa dosanya yang saya buat.

Sepatutnya mak dah tak perlu dah berniaga macam tu...

Dan saya terpaksa merantau untuk tak lebih banyak buat dosa lagi bertengkar dengan mak..

Dah..tu jer...

Kesalahan Saya Masa Cari Tempat Praktikal

Ingat lagi, masa tu dalam ofis kat UMP, University Malaysia Pahang lah ni.

Biasa lah, masa tu semua student agak kelam kabut untuk cari tempat praktikal.

Dan antara ramai ramai tu, saya lah orangnnya.

Staff bahagian HR ada cakap kat saya,

“ kat ipoh tak ada kilang besar sangat “

Dengan hati yang lurus bendul. **Saya percaya bulat bulat.**

Dan sememangnya punya lah terseksa saya hidup di KL praktikal di sana. Elaun RM 250 sahaja, lagi nak bayar sewa. Duit PTPTN terpaksa guna untuk bayar muka beli motor.

Tiap kali hujung bulan mesti mencari duit syiling. Adui. Tersangat sangat segan dengan kawan kawan.

Bayangkan, saya kena tahan tu 6 bulan.

Dan lepas tamat pengajian, praktikal pun sudah habis. Saya pun sudah balik kampung untuk cari kerja tetap.

Punya le geram, sebab banyak nye kilang besar ada di Ipoh. Kenapa la saya sengal sangat percaya cakap HR.

Untuk mana yang tak tahu, mai saya listkan secara mencanak kat sini.

1. Tasek cement

2. Unisem
3. Carsem
4. Kilang kat IGB
5. Sun Edison (saya dah berjaya dapat pun kerja sini pun, kerja dalam 2 tahun)
6. Bromma

Dan berpuluh puluh lagi ler.

Kenapa lah punya sengal nye teman pergi percaya cakap staff tu.

Dan akibatnya, terjadilah kisah yang saya kelam kabut mencari tempat praktikal kat KL.

Di Jalan Chan Sow Lin, lupa dah nama kilang nya apa.

Tapi elaun dalam RM 300. (rasanya RM 250)

Duk area KL, rumah setingan. Rasanya bilik kecil karat tu pun RM 250 sebulan. Tikus KL, faham faham ler. Semua besar besar.

Geram punya pasal ni..

Kalau saya nak ceritakan lebih panjang memang ler lagi lama saya habiskan article ni.

Justeru itu, saya akan teruskan kepada apa motifnya saya tulis article ni.

Untuk mana yang akan buat praktikal, sangat penting untuk adek adek cari tempat praktikal daripada kilang yang besar besar atau pun kukuh.

Kelebihannya cuma dua, tapi sangat penting:

1. Katakan tak dapat sambung belajar boleh terus kerja, so tak perlu mengangur
2. Dan kalau company kukuh, insyaAllah elaun pun ok.

Kalau dapat cari yang area dekat rumah lagi baik.

Saya dulu, kat KL tu kilang kecik.

Jauh dari rumah lagi.

Member saya, kerja kilang semikon.

Habis habis study terus sambung kerja situ, maintain gaji RM 2500 start dari habis belajar lagi.

Masa tu kitorang umur dalam 22 tahun.

Sebab kan saya tersilap, tersalah cari tempat praktikal,

masa saya umur 22 tahun – dapat kerja gaji RM 1200, masa tu punya lah bangga

Tapi kerja tak sampai 5 bulan, saya dah kene pecat..hehe

Selepas tu menganggur dekat 1 tahun juga.

Pastu kerja marketing, dalam sebulan ada lah dalam RM 400, entah entah tak sampai kot.

Lepas sebulan marketing (ni kira selepas 1 tahun menganggur tau), saya berhenti kerja operator kilang pula – gaji RM 700

Kerja dalam 3 bulan kot, punya la penat time puasa kerja kilang besi ni. Lepas dalam 3 4 bulan macam tu, bos kesian kot, sebab saya ada diploma, so saya kerja kilang dia tapi yang besar sikit. Basic RM 1200.

Total dengan bos tu dalam 7 bulan kot. Lepas tu, dalam tahun 2012, baru lah saya dapat kerja yang gajinya boleh dikatakan berbaloi dan yang boleh menyimpan, kiranya gaji baru lah first time rasa 2 ribu ke atas. Sebab OT lah ni, baru merasa 2 ribu lebih.

Kalau anda faham elok2, kawan saya yang kerja sebaik sahaja graduate terus kerja, terus dapat gaji 2 ribu lebih masa umu 22. Saya umu dekat 24 baru merasa. Ini baru merasa, belum masuk mengumpul lagi.

Bukan lah sedih, nak menyesal pun tak guna. Bukan nak cerita yang saya ni tak puas hati.

InsyaAllah ada plan si Dia yang rancang saya macam ni. Tapi memang nampak la jelas kesilapan saya.

Untuk adek adek yang dah tahu sebabkan saya cerita ni, jangan buat macam abang yang encem ni k.

Cari tempat praktikal elok elok.

Kalau ada apa apa nak tanya, mungkin boleh tinggalkan komen, cerita sikit bidang apa dan juga negeri mana, saya boleh buat research sikit kilang apa yang sesuai untuk anda.

Digalakkan untuk bahagian engineering k.

Tapi kalau nursing pun boleh, memandangkan ex ceq jururawat dulu. huhu

Berapa Gaji Yang At Least Sepatutnya U Cari?

Cewah cakap u u pulak ya. So berapa lah gaji yang patut anda dapatkan sebulan? RM 1000 follow pada gaji minimum kerajaan?

Cukup ke tak seribu ringgit tu?

Jawapannya..

Tuhan kan maha adil, kalau gaji anda sikit bermaksud keperluan anda pun sikit.

Pernah dengar tak ada orang cakap,

Orang yang gaji banyak ni, nak bayar hutang pun banyak!!!

Betul tak tu? Ada betul nya juga, tapi tak perlu lah cakap macam tu. Sebab, ramai orang gaji banyak, tapi mindset nya macam masih lagi sikit.

Maksud saya tak tahu nak uruskan kewangan. Macam saya sendiri...

Lama betul Intro, cakap je lah berapa...

Oh sorry sorry, so jawapannya, bagi saya..

Ialah RM 2 000 tunai..

Tak percaya?

Meh kita selongkar keperluan setiap kelakian di Malaysia untuk perbelanjaan bulanannya..

Saya buat yang duduk rumah menyewe dengan kawan kawan la yer, kalau family mungkin boleh jimat banyak lagi..

1. Makan minum, 1 hari katakan RM 20 x 30 = **RM 600** (biasa mana yang kerja kilang akan dapat kupon, macam saya sendiri 5 ringgit kalau kerja malam)
2. Duit Rumah, air, api, sewa, internet, katakan lah **RM 250**
3. Minyak moto atau kereta ker = **RM 120**
4. Mana yang masih hutang motor: **RM 200**
5. Bagi mak: **RM 200**

Ni satu lagi saya nak ingatkan, walaupun gaji kamu tu sekupang, tapi kamu tetap kena bagi mak kamu tau sikit. Bukan lah mak kamu tu lapar sangat nak duit tu, tapi berkat tu. TU sebab kamu perlu bagi walaupun sikit. Saya masa gaji 800 saya bg mak saya 50 jer. Tapi bila dah keje kilang semikon, gaji dah 2k lebih. Saya bagi dalam 200. Tapi jarang2..hehe, minta maaf lah yer. Bukan contoh yang baik. Jangan follow.

Tapi udah nak dekat kawen, langsung tak bagi. Maaf mak ☹, nak minta maaf depan depan malu, minta maaf kat blog je lah.

Ok, kita terus ke no 6 pula.

6. Telefon, topup ke apa : **RM 100** (saya sendiri tak sampai RM 100, sebab kilang ada provide internet sendiri, itu sebab saya salu cakap, fikir kepada benefit kilang tu bila nak kerja, so yang actually, saya mungkin dalam RM 50 je, tapi letak RM 100 lah)

Ada apa lagi tak? Kereta saya tak masukkan lagi ni..

So total sekarang: **RM 1 470**

RM 1 470 mesti wajib belanja setiap bulan.

Jadi kalau anda dapat gaji RM 2 000, boleh lah rasa selesa sikit.

Tapi tak termasuk loan motor yang baru beli, dan loan kereta ya. Saya moto dah bayar habis.

Kalau RM 1 000 tu kena usaha lebih sikit lah. Nanti saya akan buat post kalau gaji RM 1 000 apa tips yang boleh anda buat untuk dapatkan duit lebih ya.

Kalau saya tak buat lagi, minta ingatkan ya.

Ok, saya rasa itu sahaja kot.

Yang gaji minimum RM 1 000 tu kan, mana yang operator kerja kilang jangan fikir gaji diorang RM 1000 je, kadang kadang lagi banyak lagi daripada orang ada diploma.

Sebab? Sebab ada banyak OT, bahagian production kilang biasanya ot banyak, sebab kilang nak output.

Sepanjang saya kerja, operator Indonesia tu, ada lah dalam RM 1 800 gaji nya paling normal.

RM 2 500 pun ada.

Tapi operator di Inferion, RM 2 500 tu kemungkinan besar

dapat.

Ah, lupa nak cakap, basic saya sekarang RM 2 000. So alhamdullillah. Tak ada lah senang sangat, macam saya cakap atas tadi, lagi banyak gaji, banyak pula benda yang nak kena bayar.

Tapi kalau ot semua, senang lah dapat dalam 3 lebih macam tu.

Kilang saya kerja ni dia ada bagi bonus setiap 3 bulan. So pernah lah dapat gaji RM 3 900 walaupun baru 3 bulan kerja.

Tapi rasanya, saya nak berhenti dah ni. Sebab nak focus pada perniagaan internet sahaja.

Sekarang saya umur 28, tahun 2016. Tengok lah macam mana, plannya sebelum saya umur 30, saya nak berhenti daripada kerja dengan orang lain.

Ba bai...

Cita Cita saya Polis... Eh tahun ni nak jadi Bomba lah..

Ini biasa lah kan.

Ingat lagi masa saya darjah dua.

Cikgu tanya, kamu ni jadi apa Syed?

Bila saya tengok rekod cita cita yang lepas dalam report form tahunan tu. Berbaris samada ada jadi Askar, Polis, atau Bomba. Atau apa apa yang seangkatannya.

Pernah juga tanya mak. (ni serius ni tau, saya tulis sambil senyum ni)



Saya tanya, mak, cikgu tanya nak jadi apa, tak tahu nak agak sebab kecik lagi ni...

Mak pun cakap, jawab ler,

“saya kecik lagi cikgu, masih lagi tak faham sangat”

Lebih kurang macam tu lah.

Bila saya dah masuk sekolah teknik, saya mula dapat overview apa nak jadi bila besar.

Iaitu Engineer Design bahagian Kapal....hehe



Nak yang gebang je ye.

Masa tu, kalau tak silap. Course ni ada kat Politeknik Ungku Omar tu. So masa isi borang UPU memang saya target akan dapat PU0. Sebab family menetap di Simpang Pulai...

Rujuk Post ini, untuk [panduan isi borang UPU](#)

Tapi nak jadikan cerita, saya dapat UMP, [University Malaysia Pahang.](#)

So plan nak jadi engineer design kapal tu macam terbantut sikit. Saya pun terus lah fikir nak jadi Engineer Mechanical.

Kenapa saya teringin sangat nak jadi Kapal Designer ni? sebab saya pernah naik KD Lekir TLDM



Geduk Gedak, lepas graduate diploma.

Tak sambung pun Degree, Engineer kan nak degree.

So saya tak sambung.

Sebab? mula mula tu, memang rasa tension. Sebab tak ada rezeki.

Tapi bila dah lama lama. Saya macam ada plan lain..UNTUK MENJADI BLOGGER

Saya tak rasa saya nak jadi engineer. Saya tak rasa kalau sambung belajar akan bantu saya masa hadapan.

Tapi sedih bila tak belajar betul betul tu tetap ada.

Bila dah kerja, rasa nak belajo pulak kan.

Biasa lah tu...Manusia, ada sahaja yang tak puas hati.

Tapi tu lah saya tak rasa, kalau saya amik degree akan bantu kehidupan saya sampai tua.

Saya pun tak rasa, apa apa kos di mana mana university malaysia pun, ada lecturer atau pakar yang jauh boleh lebih fahamkan saya dengan apa focus yang saya nak buat ni.

Saya pun tak rasa, mana mana marketing study di Malaysia ni mampu ajar benda yang nak tahu.

Dan disebabkan itu, saya ambil keputusan untuk tidak sambung dan continue cita cita saya yang kekal abadi sekarang ni, iaitu...

SEO Estepelantist (lebih kurang macam blogger lah ni)

Sekian....

Tapi mana mana anda yang masih lagi nak usaha untuk dapat kan kerja. Macam sekarang pun saya masih lagi kerja kilang. Saya ada share tips cara saya dapatkan kerja. Boleh rujuk post bawah ni.

Panduan Isi Borang Jobstreet